

Հ Ա Մ Ա Ջ Գ Ա Յ Ի Ն Յ Օ Բ Ե Լ Ե Ա Ն

ՏՊԱԳՐՈՒԹԵԱՆ ԵՒ ՏԱՌԵՐԻ ԳՐԻՏԻ ՅՕ- ԲԵԼԵԱՆԸ

Մօսկվայի հայ ժողովրդի կողմից պատգամաւոր ընտրված է կազարեան ձեմարանի ուսուցիչ Կարապետ Կուսիկեան էջմիածին գնալու և մասնակցելու համադրալին յօրելեանին:

Թաւրիզի հայ հասարակութեան կողմից էջմիածին գնալու համար պատգամաւոր է ընտրված վաճառականտղետ՝ Զաքարիա Նազարբէգեան:

Նոր-Նախիջևանի Աղքատաց Հոգաբարձութիւնը իր վերջին նիստին, որտեղ արժարծեց հայ տառերի գիւտի 1500-ամեայ և տպագրութեան 400-ամեայ յօրելեանի օրերը յարգելու հարցը, որոշեց էջմիածնի յօրելեանական հանգէսներին ներկայ գանվելու համար իր կողմից ուղարկել այստեղ ներկայացուցիչներ՝ հոգաբարձութեան անդամներ Գէորգ քահ. Բեկէ-Շահինեանին և ուս. Սերովբէ Զաթալբաշեանին, որոնք և ներկայ են լինելու դպրոցական ֆօնդը գործադրելու ևղանակը պարզելու և սահմանելու համար կայանալիք ժողովին, հոկտեմբերի 10-ին:

Նոր-Նախիջևանի դպրոցական ֆօնդի հան-

գանակիչ յանձնաժողովի նիստը որոշեց համաձայն սրբազան առաջնորդի առաջարկին, բոլոր հաւաքված գումարները ուղարկել էջմիածին՝ այստեղի յանձնաժողովին:

Նոր-Նախիջևանի թեմական դպրոցի հոգաբարձութիւնը իր վերջին նիստին որոշեց մի ներկայացուցիչ ուղարկել էջմիածին յօրելեանական հանգէսին ներկայ լինելու և ընտրվեց հոգաբարձու և «Լոյսի» խմբագիր բժ. Գ. Ռէրզեանը: («Լոյս»)

Խմբագրութիւնս ստացաւ «Պատմագիրք Հայոց» աշխատութեան II հատորի առաջին գիրքը, որ պարունակում է Մովսէս Աօրինացու պատմութիւնը և որը լոյս է ընծայված հայ տառերի գիւտի և հայ տպագրութեան յօրելեանական տօների առիթով:

Ինչպէս յայտնի է, «Պատմագիրք Հայոց» աշխատութիւնը, որ հրատարակվում է Սուքիաս արքեպ. Պարզեանի ձեռքով, լոյս է ընծայվում ձեռագիրների բողոքատութիւնից յետոյ, որը կատարում են Գ. Տէր-Մկրտչեան, Ստ. Մալխասեանց, Ստ. Կանայեանց, Մ. Աբեղեան, Ս. Յարութիւնեան և այլք:

Ներկայ հատորը, որ լոյս է տեսել Մ. Աբեղեանի և Ս. Յարութիւնեանի աշխատութեամբ, տպված է Թիֆլիսում և բաղկացած 396 էջից ու արժէ 2 ռ.:

«Պատմագիրք Հայոց» աշխատութեան I հատորի առաջին գիրքը պարունակում է

Հազար Փարսկեցու պատմութիւնը, որ ար-
ժէ 1 ր., իսկ երկրորդ գիրքը՝ Ագաթանգե-
ղոսինը, որ արժէ 3 ր.: